

佛祖歷代通載卷第二十六

藝六

嘉興路大中祥符禪寺住持華亭念常集

宋 雷氏曰

宋朝祖宗真仁英神哲徽及少百六十六靖原

肅太祖玄朗

姓趙王火德都于汴初名光胤宣祖次子生于洛陽推武端慈

藝六

識度器如周祖以爲東西班首世祖命掌親軍遷殿前都點檢恭帝征河東晚駐陳橋驛軍情忽變衆擁立之正月四日受禪丙子十月崩于萬歲殿葬永昌陵壽

改建隆○遼應曆十年是年十

二月詔於揚州城下戰地造寺賜額建隆賜田四頃命僧道暉主之初周廢佛寺三

永樂北藏

佛祖歷代通載

第一九〇册

萬三百所毀鎮州大悲像鑄錢世宗親秉鉞洞其膺不四年疽潰于膺帝偕太宗目擊其事因問神僧麻衣天下何時定麻曰甲子方大定仍對以三武廢教之禍帝深然之及即位屢建佛寺歲度八千僧出陝陽外

傳疏

辛酉詔誕聖節京師及天下命僧升座祝壽爲准

歲詔每年試童行通蓮經七軸者給祠部牒披剃

荆高繼冲字成和融之子立一年降中

煜立

纂改乾德○慕容延釗伐荆降封冲武寧軍

節度

詔王全斌等伐蜀乙丑降于宋

翼

東漢繼恩

其父薛劉足愛其賢以女妻之生恩劉卒後適何氏生元何氏夫婦卒承鈞無子恩繼

以二子命鈞養之定王鈞薨恩繼

繼元

姓何氏亦承鈞養子恩之同母弟郭無為侯霸榮迎立之改年

廣運一十三年

五月五星聚奎○大教東被九百年矣

纂改開寶○遼景宗諱明記立更名賢世宗子改年號

治十五年

二月十六長春節詔

四海僧上表入殿庭者賜紫衣號曰手表僧準勅親王監司刺史各薦所知唯西街所薦是日入內

藝英

二

殿門下帶謂之簾商師號仍賜紫衣

詔成都造金銀字佛經各一藏

初戊辰九月初廿七

兵部侍郎即劉熙古監造是年六月十一日勒再造金字經一藏

詔雕佛經一藏

計一十萬板○封南漢銀恩教

祥丘

天台山德韶國師示寂師處州龍泉陳氏
母夜夢白光觸體因而有娠及誕尤多奇
異年十五有梵僧勉令出家十七依本州
龍歸寺落髮十八納戒於信州開元後梁
開平中遊方詣投子山見大同禪師發心

之始也次謁龍牙疎山各有機緣歷五十
四員知識皆不契後之臨川謁淨惠益公
一見深器之師以徧叅但隨衆而已益上
堂僧問如何是曹源一滴水益云是曹源
一滴水師於座側豁然大悟平生疑滯渙

若水釋遂以所悟聞于益益曰汝向後當
爲國王師致祖道光吾不如也自是諸
方異唱古今玄鍵與之決擇不留微迹尋
遊天台觀智者顓禪師遺跡若舊復與智
者同姓時謂後身焉初止白沙吳越忠懿

蘇某

王以國王子刺台州嚮師之名延請問道
師謂之曰他日爲霸主無忘佛恩後漢乾
祐元年王嗣位遣使迎之由弟子禮有傳
梁天台教義宗者屢懇于師曰智者之教年
祀寢遠慮多散落今新羅國其本甚備自

非和尚慈力其熟能致之乎師於是聞于忠懿王王遣使及齋師書往彼繕寫備足而回迨今盛行於江南師於般若開堂說法十二會語具傳燈嘗有偈示衆曰通玄峰頂不是人間心外無法滿目青山開寶

辛未華頂四峰忽摧聲震若雷師曰吾非久矣明年六月大星殞于峰頂林木變白師乃示寂於蓮華峰叅問如常二十八日集衆言別跏趺而逝壽八十二臘六十五

齋 後周恭帝崇訓卒

汝州風穴禪師示寂諱延沼僞唐乾寧三年十二月生於餘杭劉氏少魁壘有英氣於書無所不觀然無經世意父兄強之仕一至京師即東歸從開元寺智恭律師剃髮受具游講肆玩法華玄義修止觀定慧

宿師爭下之棄去游名山謁越州鏡清恁禪師機語不契北游襄沔間寓止華嚴時僧守廓者自南院顯公所來華嚴升座曰若是臨際德山高亭大愚鳥窠船子下兒孫不用如何若何便請單刀直入廓出衆

便喝華嚴亦喝廓又喝華嚴亦喝廓禮拜起指以顧衆曰這老漢一場敗缺喝一喝歸衆穴心奇之因結爲友遂默悟三玄旨要嘆曰臨濟用處如是耶廓使更見南院問曰入門須辯主端的請師分南院左拈

藝

四

其膝穴便喝院右拈其膝穴亦喝院曰左邊一拍且止右邊一拍作麼生穴云瞎院反取主杖穴笑云盲加瞎棒倒奪打和尚去南院倚主杖曰今日被黃面浙子鈍置穴云大似持鉢不得詐言不饑院日子到

此間乎曰是何言歟院曰好問汝曰亦不可放過便禮拜南院喜賜之坐問所與遊者何人對曰襄州與廓侍者同夏院曰親見作家穴於是俯就弟子之列從容承稟日間智證南院曰汝乘願力來荷大法非

偶然也問曰女聞臨濟將終時語不曰聞曰臨濟云誰知吾正法眼藏向這瞎驢邊滅却渠平生如師子見即殺人及其將死何故屈膝安尾如此對曰密付將終全主即滅又問三聖如何亦無語乎曰親承入

室之真子不同門外之遊人院領之又問
四種料簡語料簡何法對曰凡語不滯凡
情即墮聖解學者大病先聖哀之為施方
便如楔出楔曰如何是奪人不奪境曰新
造出紅爐金彈子遙破關黎鐵面門又問如

藝

五

何是奪境不奪人曰翦草乍分頭腦裂亂
雲初綻影猶存又問如何是人境俱奪曰
躡足進前須急急促鞭當鞅莫遲遲又問
如何是人境俱不奪曰常憶江南三月裏
鷓鴣啼處百花香又問曰臨濟有三句當

日有問如何是第一句濟云三要印開朱
點窄未容擬議主賓存穴隨聲便喝又曰
如何是第二句濟云妙解豈容無著問漚
和爭赴截流機穴云未問已前錯又問曰
如何是第三句濟曰但看棚頭弄傀儡抽
牽全藉裏頭人穴云明破即不堪於是南
院以為可以支臨濟幸不孤負興化先師
所以付託之意穴依止六年乃辭去後唐
長興二年至汝水見草屋數椽依山如逃
亡人家問田父此何所田父曰古風穴寺

世以律居僧物故又歲饑衆棄之而去餘佛鼓鐘耳穴云我居之可乎田父曰可穴入留止日乞落夜然松脂單丁者七年檀信爲新之成叢林僞晉天福二年州牧聞其風盡禮致之上元日開法嗣南院僞漢乾

祐二年牧移守郢州穴又避寇往依之牧館于郡齋冠平汝州有宋太師者施第爲寶坊號新寺迎穴居焉法席冠天下學者自遠而至升座曰先師曰欲得親切莫將問來問會麼問在荅處荅在問處雖然如

是有時問不在荅處荅不在問處女若擬議老僧在女脚根底大凡叅學眼目直湏臨機大用現前勿自拘於小節設使言前薦得猶爲滯教迷封向下精通未免觸途狂見應是向來依他作解明昧兩岐與女

蕤

六

一切掃却直教箇箇如師子兒吒呀地對衆證據哮吼一聲辟立千仞誰敢正眼覷覷著著即瞎却渠眼又曰若立一塵家國興盛野老顰頰不立一塵家國喪亡野老安貼於此明得開叅無分全是老僧於此

不明老僧即是開闢黎黎與老僧無別亦
能悟却天下人亦能昧却天下人欲識開
黎麼拊其左膝曰這裏是欲識老僧麼拊
右膝曰遮裏是于時莫有善其機者偽周
廣順元年賜寺名廣惠二十有二年以宋

開寶六年癸酉八月旦登座說偈曰道在
乘時須濟物遠方來慕自騰騰他年有叟
情相似日日香烟夜夜燈至十五日跏趺
而化前一日手書別檀越闍世七十有八
坐五十有九夏有得法上首住汝州首山

念禪師

唐詔曹彬等征南唐遼改乾亨

曹彬擒南唐主李煜歸封違命侯國除

杭州慧日永明智覺禪師示寂諱延壽餘

杭人姓王氏總角之歲歸心佛乘既冠不

七

茹葷日唯一食持法華七行俱下纔六旬

悉能誦之感群羊跪聽年二十八爲華亭

鎮將屬翠岩永明大師遷止龍岡寺大闢

玄化時吳越文穆王知師慕道乃從其志

放令出家禮翠岩爲師執勞供衆都亡身

宰衣不繒縷食無重味野蔬衣襦以遣朝夕尋往天台天柱峰九旬習定有鳥類尺鷃巢于衣褶中既謁韶國師一見深器之密授玄旨仍謂師曰汝與元帥有緣他日大興佛事初往明州雪竇山學侶臻湊師上堂曰雪竇這裏迅瀑千尋不停纖粟竒岩萬仞無立足處汝等諸人向什麼處進步時有僧問雪竇一徑如何履踐師云步步寒花結言言徹底永建隆元年忠懿王請住靈隱山新寺爲第一世明年復請住

永明大道場爲第二世衆盈二千僧問如何是永明旨師曰更添香茗曰謝師指示曰且喜沒交涉師有偈曰欲識永明旨門前一湖水日照光明生風來波浪起居永明十五年度弟子千七百人開寶七年入天台山度戒萬餘人常與七衆受菩薩戒夜施鬼神食朝放諸生類六時散花行道餘力念法華經一萬三千部著宗鏡錄一百卷詩偈賦詠凡千萬言高麗國王覽師言教遣使齎書叙弟子禮奉金縷袈裟紫

晶數珠金澡灌等彼國僧三十六人親承
印記歸國各化一方開寶八年乙亥十二
月二十六日辰時焚香告衆跏趺而逝壽
七十二臘四十二明年建塔于大慈山焉
王字宗宋太宗賜額曰壽寧禪院云

卷八

錢錄天下大元帥吳越國王錢俶製宗鏡錄序
文曰詳夫域中之教三正君臣親父子厚
人倫儒吾之師也舜考象多視聽無得自
微妙升虛無以止乎乘風馭景君得之則
善建不拔人得之則延貺無窮道儒之師

也四諦十二因緣三明八解脫時習不忘
日修以得一登果地永達直常釋道之宗
也惟此三教並自心修心鏡錄者智覺禪
師所撰也總乎百卷包盡微言我佛金口
所宣盈乎海藏蓋亦提携後學師之智慧

辯才演暢萬法明了一心禪際河游惠間
雲布數而稱大莫能盡紀聊爲小序以頌

宣行云爾

宋左朝請郎尚書禮部員外郎護軍楊傑
撰宗鏡錄後序云諸佛真語以心爲宗衆

生信道以宗爲鑑衆生界即諸佛界因迷而爲衆生諸佛心是衆生心因悟而成諸佛心如明鑑萬象歷然佛與衆生其猶影像涅槃生死俱是強名鑑體寂而常照鑑光照而常寂心佛衆生三無差別國初吳

藝

九

越永明智覺壽潭師證最上乘了第一義洞究教典深達禪宗稟奉律儀廣行利益因讀楞伽經云佛語心爲宗乃製斯錄於無疑中起疑無問中設問爲不請友真大導師擲龍宮之寶均施群生徹祖門之關

普客來者舉目而視有欲皆充信手而拈有疾皆愈蕩滌邪見指歸妙源所謂舉一心爲宗照萬法爲鑑矣若人以佛爲鑑則知戒定慧爲諸善之宗人天聲聞緣覺菩薩如來由此而出一切善類莫不信受若

以衆生爲鑑則知貪嗔痴爲諸惡之宗修羅傍生地獄鬼趣由此而出一切惡類莫不畏憚善惡雖異其宗則同返鑑其心則知靈明湛寂廣大融通無爲無住無修無證無塵可染無垢可磨爲一切諸法之宗

永樂北藏

佛祖歷代通載

第一九〇冊

矣初吳越忠懿王字之秘于教藏至元豐中皇弟魏端獻王鏐板分施名藍四方學者罕遇其本元祐六夏遊東都法雲道場始見錢唐新本尤爲精詳乃吳人徐思恭請法涌禪師同永樂法真二三耆宿徧取

諸錄用三乘典籍賢聖教語校讀成就以廣流布其益甚博法涌知予喜閱是錄因請爲序

字太宗炁

初名匡義宣第三子初太初陳橋之變諱允令軍不得剽虜生靈獲

安主道三年三月崩于萬歲殿葬永熙陵詩五十九改太平興國

○註僧王役試經科

吳越忠懿王錢俶以國賓宋○是年十一月

月日有食之就

帝製新譯三藏聖教序賜天竺三藏法師天息災文曰大矣我我佛之教也化道群

藝

十

迷闢揚宗性廣博宏辯英彥莫能究其旨精微妙說庸愚豈可度其源義理幽玄真空莫測包括萬象譬喻無垠總法網之紀綱演無際之正教拔四生之苦海譯三藏之秘言天地變化乎陰陽日月盈虧乎寒

暑大則說諸善惡細則比於河沙含識萬
端弗可盡述若窺像法如影隨形離六情
以長存歷千劫而可久須彌內藏於芥子
如來坦蕩於無邊達磨西來傳法東土宣
揚妙理順從指歸彼岸菩提愛河生滅用

行於五濁惡趣拯慧於三業途中經垂世
之無窮道無私而永泰雪山貝葉若銀臺
之耀目歲月烟蘿起香界之自遠巍巍罕
測杳杳難名所以道資十聖德被三賢至
道啓乎乾元衆妙生乎太易綜繁形類竅

鑿昏冥絕彼是非開茲蒙昧有西域法師
天息災等常持四忍早悟三空翻貝葉之
真詮續人天之聖教芳猷重啓偶運當時
潤五聲於文章暢四始於風律堂堂容止
穆穆輝華曠劫而昏墊重明玄門昭顯軌

藝

士

範而宏光妙法淨界騰音利益有情俱登
覺岸無所障礙救諸疲羸冥昧慈悲汗漫
物表柔懷貪很啓迪昏愚演小乘則聲聞
合其儀論大乘則正覺立其性令靈悟而
蒙福截教缺而重興幻化迷途火宅深喻

雖設其教不知者多善念生而福量潛臻惡業興而勝緣皆墜調御四衆積行十方澍華雨於金輪護恒河於玉闕有頂之風不可壞無際之水不能漂澄寂湛然圓明清潔之智慧性空無染實相解脫之因緣可

以離煩惱於心田可以得清涼於宇宙朕慚非博學釋典微閑豈堪叙文以示來者如縻螢燭火不足比於皎日將微蠡量海豈能窮於深淵者哉

巳卯 北漢降封彭城公○止僧科

沙門質靈隨錢王歸明姓高氏其先渤海人唐天祐中生於吳興之德清金鵝別墅出家杭之祥符習南山律著述毘尼時人謂之律虎文學日茂聲望日隆武肅諸王公族咸慕重之署爲兩浙僧統賜號明義

宗文興國三年太宗聞其名召對滋福殿延問彌日改賜通惠詔修大宋高僧傳三十卷及詔撰三教聖賢事跡一百卷初補左街講經首座知西京教門事咸平初加右街僧錄又著內典集一百五十卷外學

集四十九卷內翰王禹偁作文集序極其贊美云至道二年示寂葬龍井塢焉

牽舒州柯夢遇異僧於萬歲山以杖指松根使夢鑿之得瑞石篆文識聖朝國祚無疆夢進石于京師詔藏祕府○他日大士寶

藝

士

誌降現禁中帝親聞緒言致祭鍾山賜號道林真覺菩薩○是年詔立譯經傳法院于東京如唐故事宰輔爲譯經潤文設官分職西天中印土惹爛陀羅國窻林寺天息災與法天施護譯經帝制前序詔普度

天下童行爲僧不限有司常制自即位至是凡度一十七萬餘人

是年五月竄秦王廷美降涪陵縣公安置房州上嘗以傳國意訪之趙普普曰太祖已誤陛下豈容再誤耶廷美所以得罪則

普爲之也盧多遜在朝握權常短趙普普惡之遂入覲觀變奏多遜謂陛下萬年之後當以天下與魏王魏王當還秦王陛下不當立太子俱坐大逆免死放歸田里咸以爲冤秦王即太祖少子德芳也上遂南

永樂北藏

佛祖歷代通載

第一九〇冊

遜二王尋殺之忽一日趙普見空有火一團一羔羊轉運其上普曰普之罪也須臾光滅遂得疾命方士禱疾見烟焰中有朱牌金字書云魏王廷美士謝曰普言非其罪也有荅之曰杜太后遺言丞相寫誓書

藝

七

藏之金櫃石室而首發多遜之獄致主上

殺一弟一姪安可謂之無罪俄而普薨

策遼聖宗名隆緒即位改統和

帝改雍熙○勅修泗洲塔○十月詔隱士陳搏賜帝夷先生

尋訪歸華山

晉二月詔禁增置寺觀

益州青城香林院澄遠禪師示寂師生西川漢州綿竹縣上官氏法嗣雲門偃禪師初住西川導江縣迎祥寺天王院時謂水精宮僧問美味醍醐因甚變成毒藥曰導

江紙問見色便見心時如何曰適來什麼處去來問心鏡俱亡時如何曰聞眼坐睡師復住香林僧問止斗裏藏身意旨如何曰月似彎弓少雨多風問如何是室內一燈曰三人證龜成鳖問如何是衲衣下事

曰臘月火燒山問大衆雲集諸師施設曰
三不待兩問如何是學人時中事曰恰恰
如何是玄曰今日來明日去問如何是玄
中玄曰長連牀上餘如

李改端拱

○賜西夏李繼隆姓名趙保忠張夏緩省察五州使

盜改淳化詔撰三教聖賢事跡參政蘇易簡
帝南安岩尊者示寂師諱自嚴生鄭氏泉州
同安人也年十一棄家依建興卧像寺僧
契緣爲童子十七爲大僧游方至廬陵謁
西峰耆宿雲谿豁乃清涼智明禪師高弟

永樂北藏

佛祖歷代通載

雲門嫡孫也太宗嘗詔至闕館於北御園
舍中習定久之懇之還山公依止五年密
契心法辭去渡懷仁江有蛟每爲行人害
公爲說偈誡之而蛟輒去過黃楊峽渴欲
飲會溪涸公以杖撻之而水得父老來聚

藝英

古

觀合爪以爲神公逝去武平黃石岩多蛇
虎公止住而蛇虎可使令四遠聞之大驚
爭敬事之民以雨暘男女禱者隨其欲應
念而獲家畫其像飲食必祭隣寺僧死公
不知法當告官便自焚之吏追捕坐庭中

第一九〇冊

問狀不荅索紙作偈曰雲外野僧死雲外
野僧燒二法無差互菩提路不通而字畫
險勁如擘窠大篆吏大怒以爲狂旦慢已
去僧伽黎曝日中既得釋因以布帽其首
而衣以白服公根所說法聽者疑信半因
不語者六年岩寺當輸布而民歲代輸之
公不忍折簡置布束中祈免吏張曄歐陽
程耆相頤怒甚追至問狀不荅以爲妖火
所著帽明鮮又索紙作偈曰一切慈忍力
皆吾心所生王官若拘束佛法不流行自

是時亦語去游南康樂古山先是西竺波
利尊者經始識曰却後當有白衣菩薩來
興此山公住三年而成叢林異跡甚著如
本傳所屬狀以聞詔佳之宰相王欽若大
叅趙安仁已下皆獻詩公未嘗視置承塵

藝六

十五

上而已淳化辛卯正月初六日集衆曰吾
此日生今正是時遂右脇卧而化閱世八
十有二坐六十有五夏謚曰定光圓應禪
師
首山念禪師萊州人生狄氏幼棄家得度

於南禪寺爲人簡重有精識行頭陀行日誦法華叢林畏敬之目以爲念法華至風穴隨衆作止無所叅扣然終疑教外有別傳之法不言也風穴每念大仰有識臨濟一宗至風而止懼當之熟視坐下堪任法

道無如念者一日升座曰世尊以青蓮目頽迦葉正當是時且道箇什麼若言不說說又成埋沒先聖語未卒念便下去侍者進曰念法華無所言而去何也穴曰渠會也明日念與真上座俱詣方丈穴問真曰

如何是世尊不說說真曰鵲鳩樹上鳴穴云汝作許多癡福何用了顓念曰如何師曰動容揚古路不墮峭然機穴謂真曰何不看渠語又一日升座顓視大衆念便下去穴即歸方丈自是聲名重諸方首山在

汝州城外荒遠處而念居之終身馬登其門者皆叢林精練衲子念必勘驗之留者纔二十餘輩天下稱法席之冠必指首山嘗問僧不從人薦得的事試道看僧便喝曰好好相借問惡發作麼僧又喝念曰今

日放過即不可僧擬議念喝之嘗謂衆曰
佛法無多子只是汝輩自信不及若能自
信千聖出頭來無柰汝何何故爲向汝面
前無開口處只爲汝自信不及向外馳求
所以到這裏假如便是釋迦佛也與汝三

莫笑

六

十捧然雖如是初機後學應箇什麼道理
且問汝輩還得與麼也未良久云若得與
麼方名了事嘗作綱宗偈曰咄我拙即君
巧妙無人識打破鳳林關穿靴水上立咄
我巧女兒攬梭不解織看他閨鷄人水牛

也不識淳化三年十二月初四日留偈過
歲作偈曰吾今年邁六十七老病相依且
過日今朝記取明年事明年記著今年日
至次年十二月初四日升座辭衆曰諸子
謾波波過却幾恒河觀音指彌勒文殊不

柰何良久曰白銀世界金色身情與無情
共一真明暗盡時都不照日輪午後示全
身日午後泊然而化塔于首山嫡嗣汾陽
昭禪師

餘如本傳

宋政至道御制秘藏詮○六月限僧尼額

歲真宗恒

太宗第三子初名德昌又改元侃以軒轅爲聖祖曰吳天玉皇上

帝並封孔子曰至聖文宣王壽五十五崩于延慶殿改年咸平

帝製繼聖教序賜天竺三藏朝散大夫試光祿卿明教大師法賢其辭曰高明肇分三辰方乃序其始厚載初定萬彙於以發

藝

十七

乎端清濁之體既彰善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊

皆空現乃真容則一毫圓滿廣大之教豈能繼述者我伏觀太宗皇帝法性周圓仁慈普布化蠻貊則萬邦輻湊躋烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪

知法界之恢宏行精進而攝懈怠乃擇其邃宇校彼真文命天竺之高僧譯貝多之佛語象管翻成於金字珠編復置於琅瑤繚龍宮之聖藻惟新驚嶺之蕊蕊仰嘆繇是三乘共貫四諦同圓盡苦空真正之言顯

秘密研精之義讚相相乎實相論空空乎
盡空華嚴之理合軌轍金仙之教同規矩
朕續嗣丕構恭臨寶圖常翼翼以撫兆民
每兢兢而守先訓以至釋典猶未精詳源
其幽深曷能探測有譯經西域僧法賢奏

章懇切致意專勤以先皇帝大闡真風高
傳佛日興前王之隆典振覺路之頽綱欲
旌天造之功庸用廣聖文之述作請予製
序繼聖教焉自聖考上仙追號罔極息政
事之外何暇經心今已禪除思臻微輿雖

幼承慈訓柰夙乏通才焉窮乎法海之津
涯莫造乎空門之闢域畧敷大意以徇輿
議精蹄涔不足擬浴日之波尺箒豈能量昊
天之影聊述短序以紀聖功者焉

景德○東吳僧道源續開平以來宗師

卷六

七

機緣統集寶林聖胄等傳為傳燈錄三
十卷詣闕進呈帝覽之嘉賞勅翰林楊
億等刊正并撰序頒行天下

帝改大中祥符○

六月天書降太
山十月東封

旨詔諸路置天慶觀○

先是楊彌克表玉府
記室舍夢至一大殿

登

遼改開泰復號大契丹

上真人服王者衣冠乘圭南向前有案
置籍錄人姓名礪見已名居上因請不
休欲真人指一人曰此來和天尊異日
為汝主也礪問之天尊笑曰此去四十
年汝功成余名亦顯礪而志之及乞真
王府記室參軍追而語諸人曰吾今見
裏王儀貌即來和天尊也上即
位後多好神仙道家之術焉

貴天竺三藏施法護

譯佛吉祥等經二百餘
卷參政趙安仁等潤文

詔道釋藏經互相毀者刪去樞密王欽若

以化胡經乃古聖遺跡不可削○又詔

王欽若詳定羅天醮儀一十卷頒行

王改天禧○禁民棄父母而為僧道

永樂北藏

佛祖歷代通載

第一九〇冊

宋帝於九月大會道釋于大安殿凡萬三
餘人先是建齋醮

親臨賜以
銀藥大錢

歲改乾興二月上崩○遼改年太平

杭州孤山智圓法師卒字無外自號中庸

子或稱潛夫生錢唐徐氏父母令入空門

藝

九

八歲受具二十一聞奉先源清師傳天台

三觀之旨問辯凡二年而清歿遂居西湖

孤山學者歸之如市與處士林和靖為隣

友王欽若出撫錢唐慈雲遣使邀師同遊

之圓笑謂使者曰錢唐境上且駐却一僧

永樂北藏

佛祖歷代通載

第一九〇冊

圓早癭瘵疾故又號病夫講道吟哦未嘗
倦預戒門人曰吾歿後毋厚葬以罪我母
建塔以誣我母謁有位求銘以虛美我宜
以陶器二合而瘞之立石志名字年月而
已及亡門人如所戒斷所居岩以藏之不

屋而壇時乾興元年二月十七也壽四十
有七後十五年積雨山頽門人開視陶器
肉身不壞爪髮俱長脣微開露齒若珂貝
乃更襲新衣屑衆香散其上而重瘞之崇
寧三年賜謚法惠大師其所撰述般若經

遺教經疏各二卷瑞應經不思議法門經
無量義經普賢行法經彌陀經等疏及四
十二章經注各一卷首楞嚴經疏十卷又
撰闡義鈔三卷釋請觀音疏索隱記四卷釋光
刊正記釋觀音疏表微記一卷釋光垂裕記十

卷釋淨名發源機要記二卷釋法華經疏百非鈔

一卷釋涅槃經疏三德指歸二十卷釋涅槃經疏

疏顯性錄四卷釋金剛經疏撥華鈔二卷釋華嚴經疏

西資鈔一卷釋自造詒謀鈔一卷釋自造

谷響鈔五卷釋自造折重鈔一卷釋自造

若疏大論有正義一卷釋十不閑居編五
十一卷詩文皆假道適情為法行化之傍
贊云

藝

字

佛祖歷代通載卷第二十六

永樂北藏

佛祖歷代通載

第一九〇冊